



Ислам Д.

ҚАЗАҚ ПОЭЗИЯСЫНДАҒЫ ДӘСТҮР МЕН ЖАҢАШЫЛДЫҚТЫҢ ЗЕРТТЕЛУІ

*В статье анализируются
принципы и история исследований
традиций и новаторства
в казахской поэзии.*

*This article deals with the
analyses and principles of
the history of investigation
of tradition and innovations
in kazakh poetry.*

Ақын, жазушының қалыптасуы өзіне дейінгі дәстүрді игеруімен жүзеге асады. Бұл деген сөз, көркем туындыларда дәстүрден тыс жаратындылардың бой көтеруі бола коймайтының кепілі. Әдебиеттануғылымында дәстүр мәселесі аз айтылып жүрген жоқ. Өте ауқымды ұғым екені де белгілі. Тіпті ұғым деп атаудын өзі шарттылықтан туатындар. Әйтпесе дәстүр көркем әдебиеттің жаны, тіні десек те болады. Ал, дәстүрдің жаңашылдығын зерттеу әдебиеттануғылымын бағыттасты мәселесі. Кез келген ұлттық әдебиеттің алғашқы дәүірімен бүтінгі бағытының арасындағы поэтикалық эволюцияны сактаушы әрі жаңашылдыққа бағытушы құбылыс. Дәстүр ұлттық болмысты айқындаушы елшем. Дәстүр ұғымын өнердің барлық түрінен алып өмірлік болмыс қасиетіне қарай түсіндіріп кете беруге болады. Дәстүр дегенде бізге ен әуелі ата-баба жолы, қалыптасқан салттық ғұрыптар елестері анық. Ұлттық дүниетанымның сан ғасырлық даму кезеңдерінен өніп, халықтық мәдениет белгі сипаттарына айналған да дәстүр көрсеткіштері. Бұл ұғым ғылымның әрбір саласында өзіндік анықтамалықтары мен тұжырымдарға ие. Әдебиеттегі дәстүр мәселесі де өнерлік түркynана жауап берерлік қағидаттармен толысқан десек болады. «...Сонымен әдебиеттің тегін қарастырудағы дәстүр ұғымы (оның қарапайым құрылымдық жағы мен мазмұндық терендік аспектілерінде) маңызды жауапкершілік роль ойнайды» [1.355]. Әсіл, дәстүр ұғымынан белек «мәтін ішіндегі мәтін» туралы көзқарастардың да, дәстүрге қарсы принциптердің де қалыптасу тарихы болғандығын теоретик В.Е.Хализов баяндап өтеді [1.356]. Ұлттық әдебиеттануда да дәстүр проблемасын зерттеу көңестік дәүірде жүзеге асқандықтан біржакты баға беру көзқарастары кездесіп жатты. Не жананың басы болсын біз Абайға апарып тіреуден аса алмадық. Ғылыми тұжырымдамалардың бәрін саяси салмақ басып жатты. Дегенмен бұл ұғымды арнайы зерттеген әдебиетші ғалымдар болды. Ауқымды ұғымды әдебиеттанушы Ә.Дербісалин былайша түсіндірді. «Дәстүр – ете бай ұғым. Ол адамзаттың өміріне, өнеріне, біліміне қатысты салалардың көбіне тән құбылыс. Қай салада болмасын, жалпы дәстүр атаулыға тән қасиет – ол дайын күйінде тумайды, не өзге біреуден оңай алына салмайды, ол заманалар жемісі, тәжірибелер нәтижесі, уақыт сынынан, үрпактардың ақыл-ой елегінен мұдірмей өткен,



халықтың тіршілік тұрмысына жауап беру арқылы өміршен сипат алып, әрдайым өсіп, өніп, жалғасып отырган әрі тұракты әрі жанды, белсенді құбылыс» [2.14]. Бұл жерде ғалым дәстүр атауына жалпылама баға беріп отырғандықтан ескерткіміз келеді. Яғни дәстүр атауының, ұғымының не мағына беретіндігіне, өмір мен өнердегі адамзат санасты танып зерделеген түсінік талғамды жинақтап беріп отыр. Бұл тұжырымдаулар көркем әдебиеттегі дәстүр мәселесіне де тиесілі. Бірақ әдеби дәстурдің жанрларда қалыптасуының сыртқы қалыбын андатқанымен оның ішкі тарихи көркемдік құрылымына ене қоймайды. Дәстүр мәселесін оқырманға ұғынықтырак түсіндіру үшін оны заттандырып, табиғаттағы тіршілік процесімен алмастырып жеткізген ғалым М.Қаратаев болды. «Топыраққа еккен бидайдын дәні шөп болып өседі де басына жана дән салады. Бұл да бұрынғыдай бидай дәні, бірақ санасты женинен бұрынғының дәл көшірмесі емес, кейбір айырмасы бар – не құмарлылық, не қасанырақ. Ол өсімдіктің топырағына, күннің тағы басқа коректін аз, көп жағдайына байланысты»[3.5]. Бұл мысалдан дәстурдің өмір сүру заңдылығын, оның жаңарап жаңашылдыққа бой ұрып отыратындығын тануға болады. Жаратылыс заңдылығына сай табиғаттағы не жанды нәрсе болсын үрпақ алмасып өсіп, өніп отыратыныңдай. Дәстурдің өмір сүру принципін табиғат тіршілігімен салыстыра қабылдап ойға топшыладық. Бұл да дәстүр ұғымын мәнін жалпы тіршіліктің эволюциясымен айқындалап жеткізгендей. Қарап отырсақ әдеби дәстүр де табиғаттағы жанды заттардың өсімі секілді о бастағы нұсқалардың бойында түзіліп, дүниетанымдық ерекшеліктерді жинақтап, көркемдік тарихында екшеліп, жаңарап жасарып отыратын процесс иесі іспетті. Дегенмен әрбір атау, ұғымның әртүрлі ғылым саласында түсіндірілу, сипатталу ерекшелігі болатыныңдай әдебиетте де өзіндік даралық қасиеттерге толы дәстүр мен жаңашылдықты жаңр өзгешелігіне сай жана танымдық арнада қарайтын да уақыт жетті. Бұған зерттеу барысында кенірек тоқталатындықтан әзірге мәселенін зерттеу жайы мен ондағы принциптерді талдауға ойысайық. Қазак әдебиеті тарихына үңілетін болсак әрбір кезеңнің өзіндік бағыт-бағдары болып дәстүрлі арналардың жолға түс бастағанын бағамдаймыз. Ұлттық дүниетанымның кемелденүіне орай эстетикалық мәдени талаптардың да сұранысы арта түсті. Дүниені көркемдік қабылдаудың өнерде беделенуінін амал-тәсілдері жанданды. Әдебиетіміздің ежелгі дәүрінен бергі әрбір кезеңнің иедеялық көркемдік құрылымының ішкі қабаттарының сырты елі де ашыла қойған жоқ. Кеңестік дәуір тұсында өнердегі ұлттық дәстүрлеріміздің жаңы байырғы дәуірлерде жатқандығын айта алмадық. Тек қана ауыз әдебиеті мен фольклордан бастау алып ақындық поэзияда кейбір ұлгілердің болғандығын сөз арасында мензэр күй кештік. Кенес дәүіріндегі қазак елентанушы ғалымдарының біргегейі Ә.Нарымбетов дәстүр мен жаңашылдықты арнайы зерттеді. Галымның қазак өлеңіндегі дәстүр табиғатын тексеру әдісі тақырыптық қырынан даралап алуымен ерекшеленді. Қазак поэзиясындағы табиғатты жырлау үрдісін арнайы сөз етуі біржакты көрінгенімен, дәстурдің қалыптасуымен жаңашылдық арасындағы өзгешелікті танытуда қолайлы екендігін білгеніміз жөн. Дәстүр мәселесін арнайы сөз еткен бұл ғалымның да өз тұстастары секілді идеологиялық белгіленген шекарадан аса алмағаны заңдылық. «Ақындар орыстын классикалық әдебиетінен тікелей творчестволықпен үррене отырып, табиғатты жырлаудың белгілі бір көркемдік дәстүріне жол ашты. А.Құнанбаевтың, Ы.Алтынсариннің, С.Торайғыровтың, С.Дөнентасевтың тандаулы табиғат лирикасы бұған толық дәлел»[3.5]. Зерттеуші айтып отырғаныңдай атаптап ақындар шығармашылығынан кейінгі казак ақындарының үрнегінің айқындығы да дәл. Жыл мезгілдерін жырлау Абай ендірген дәстүр екендігін оны Қ.Бекхожин секілді қазіргі қазак ақындарының жалғастырып жаңа женимпаз заманға орайластырып суреттеуін көрсете отырып зерттеуші мынадай қорытынды ой береді. «Әдебиетте дәстүр деп біз кейде көне ауыз әдебиетінің көркемдік амалдарын жанғырта пайдалануды айтамыз. Ауыз әдебиет мұрасына творчестволықпен арқа сүйеудін әрі дәстүр екені, екінші жағынан жаңашылдық екені рас. Өйткені ауыз әдебиеті сарының қазіргі жаңа өмірді жырлауга қызмет етуі, әрине, дәстүр. Ал сол көне сарынды жанғырта, жаңа идеяны, тын кейіпкерді жырлауға қалауын тауып ұтымды пайдалану - жаңашылдық» [3.20]. Галымның дәстүр мен жаңашылдық мәселесінің көркем әдебиеттегі орны мен қолданылу қызметіне орай бағалап отырғаны дұрыс-ақ бағыт. Бұл еңбектің атапты проблеманы зерттеуде ұсына алатын ғылыми бағдарламалары бар. Оларды сұрыптар болсак: біріншіден ақындардың жыл мезгілдерін жырлау дәстүріне, еңбек адамдары мен өз замандастарының портретін енгізуі, екіншіден табиғат лирикаларындағы қалыптасқан ұлттық сөз – бейне, сөз – образдарды заманына лайық сөз мағыналарымен түрлендіруі, үшіншіден фольклордағы аңыздық желіні пайдалану шеберліктері, даланы бейнелеудегі Қ.Бекхожин, Қ.Мырза Әлі жырларындағы



көркемдік амалдар жаңалығы. Фалым Ә.Нарымбетовтың қазақ лирикасындағы дәстүр мен жаңашылдықты сөз еткен еңбегіндегі негізгі түйіндеулер социалистік реализм бағытында калған. Бұл дәстүр мәселесінің ұлттық поэтикалық бірлікті қарастырылуының жүзеге аса қоймағандығын көрсетеді. Қазақ әдебиетіндегі дәстүрді Абай лирикасымен сабактастыра қарап, халық ақындары поэзиясының жаңалыққа бой ұруына үнілген ғалымның бірі Е.Ысмайлов. Дәстүрді социалистік реализм әдісі теориясымен халық ақындары шеберлігіндегі жазба әдебиеттің ролі арқылы таныған ғалым еңбегінде де жаңалықты қырлар баршылық. Халық поэзиясының негізгі ерекшеліктерін жазба әдебиетпен қарым қатынасын саралай келе, дәстүр табиғатына бастар ойлар қалдырыды. «Біздін бұл айтқандарымыз ауыз әдебиеті мен жазба әдебиеттің өзара қарым-қатынасы туралы проблеманың бір жағы болса, оның екінші құрделі бір саласы – ауыз әдебиеттің жазба әдебиетке ықпалы, анығырақ айтқанда, көркем әдебиеттегі фольклоризм мәселесі. Бұл мәселе қазақ әдебиеттін тәжірибесінде бұл күнге дейін өз алдына арнаулы тақырып болып зерттелген емес. Жазылған кітаптар мен мақалаларда біздін көрнекті ақын жазушылардың ауыз әдебиетімен байланысы жалпылама түрде, сөз болып жүр» [4.83]. Ғалым бұл ойларын жүзеге асыруды М.Әуезовтан бастап белгілі ақын-жазушылар шығармашылығыннан іздеуге үндейді. Әлемек ғалымның дәстүр поэтикасына қатысты ойларының тым әріге, ежелгі мұраларға бастайтыны сезінуге болады. Тек оны социалистік реализм әдісімен тексеру бағыты жемісті нәтижелер бере қоймады. Айтылған ойлардың бүгінгі әдебиеттану ғылыминың жана танымдық арналарына бастау жол болғандығын айта кетуіміз керек. Тәуелсіздікке жақындей түскен жылдардан бастап ұлттық әдебиеттану да басқа ғылымдар секілді тарихи тегін тануға ұмтылды. Біз әдеби дәстүрдін ежелгі келбеті арқылы ұлттық сөз өнеріміздін поэтикалық қуаты әлдекайда күшті, әрі терен екендігін ұғындық. М.Әуезовтің «Біздін поэзия өзінін өткен тарихтық тегінен үзіліп, төркінсіз әдебиет бол кеткен жоқ! Халықтық асыл мұрасының үлкен арнасын, саналы мұрагер есебінде, үлкен көлемімен ілгері қарай жақсы дамытып, асырып өсіріп келеді. Сана да, сапа да, тұр, көрік те солай. Екінші бір жай, ұлттық традиция мәнгі-бақи бір орында сілейіп қатып тұратын қалып емес. Ол үлкен қозғалыста, өзгерісте»[5.375]-деуінде танымдық мән жатыр. М.Әуезовтің осы бір салихалы ойларының жалғасы социалистік реализм теориясымен ұштасып кететіні қайырымызыз уақыттың бедеріндегі көрінеді. Десе де, М.Әуезов қазақ поэзиясының ұлттық бояуының әлі де қанықтығына, мұрагерлік жолдан айнымай келе жатқан қалыбына іш тартса керек. Ғалымның «саналы мұрагер» -деп бағалаған сөздік қолданысы мен «сана, сапа, тұр, көрік» секілді өлеңнін құрылым түзуші негізгі белгілерін даралап, атап көрсетуінде ғылыми дәлдік пен позициясы да қылан береді. «Ұлттық сана», «Ұлттық дәстүр» ұғымдары бір-бірін толықтырып отыратынымен де көп жағдайда «сана» атавы осы ұғымдар салмағын таразы басып отыратыны белгілі.

Оның үстіне М.Әуезовтей ғұлама замана ағымында ұлттық санаға салмақ түсіп отырғаны және бар мәселенің соған байланысты екендігін де ескеріп отыргандай. Қазақ поэзиясының тінінен ажырамауы басқа да ұлттық құндылықтар секілді «ұлттық санаға» тәуелді. Ұлттық сана уланған тұста өнерден дәстүр іздеудін өзі негайбыл. Ұлттық сана қазығына байланған өнердегі дәстүр жаңарып, дәуір тынысын айшықтап отырары да сөзсіз. М.Әуезовтің қазақ әдебиеттің атасы қара өлеңнін бойынан сананы іздеуі астарлы идеялық мақсатты да ойтқандай. Дәстүрге сол халықтың дүниестанымы мен тіршілік белгілерімен карау керек. «Сөйтіп әдебиеттегі дәстүр дегеніміз – жылдарды өткеріп, әдеби даму үстінде қырланып, жұмырланып, сомдана түсіп барып халықтың таразысынан, көркемдік талғамынан, әдебиеттану ғылыми мен эстетикалық ақыл-ойдың мойындауы, жалпылауынан өтіп барып, кейінгі дәуірге, келер ұрпакқа көшіп отыратын идеялық-көркемдік тәжірибе болса, жаңалық дегеніміз – әдебиеттің мазмұны мен түр жағынан – жаңа көркемдік, жетістіктерімен, прогрессивтік идеялармен, жаңа творчестволық әдістермен, жаңа геройлармен, жаңа амал-тәсілдермен, көркемдеу құралдарымен жаңарып, молығып – толығып отыруы»[3.75]. Бұл анықтамалық дәстүр ұғымының әдебиеттегі өміріне, оқырман санасында мазмұн табиғатын ұялатуына жақын-ақ келеді. Әдебиеттегі дәстүр ен әуелі сол халықтың ұлттық ерекшеліктерімен, әдет-ғұрып, салт-сана белгілерімен, тілдік айшықтарымен, міnez психикасымен, тұрмыстық тіршілігімен байланысты. Кез келген құбылысты суреттеудегі тілдік колданыстардағы көрік амалдарының мән-мағынасында ұлттық поэтиканың колориті болады. Жалпы адамзаттық сананың қабылдауында биік өре танытып ортақ көзқарастарды қалыптастырап поэтикалық құрылым қуаты да дәстүрден екшеліп барып дараланса керек. Мұндай поэтикалық байламдарда дәуір, қоғам, уақыт билігінін тынысы сезіле қоймайды. Біздін кенестік дәуір түсінда да, қазіргі уақытта да қайта-қайта Абайға соға беруіміздін де төркіні осындаі өміршен



поэтикалық дәстүрлі арналарды іздеуімізден. Кенестік дәуір тұсында да, қазіргі уақытта да кейір ғалымдарымыз ұлттық поэзиядағы дәстүр табиғатының жалпы адамзатқа ортақ, түсінікті болуы керек дейтін қағидатты жіңі айтатындығын естіп қаламыз. Әрине, бұл бір жағынан дұрыс та талап. Өлең бойындағы адамгершілік, азаматтық, гибраттық сарындармен қатар түрлі тақырыптарды жырлаудағы адами өреге ортақ дүниетаным белгілерінін болатындығы белгілі. Мұның әрқайсысында тіпті әрбір сарынның дәстүр құраған өрнектері бар. Сонымен қатар сол құрамда белгілі бір ұлттық танымға тиесілі ғана көркемдік өрнектің болатынын да ұмытпаған жөн.

Ондай ұлттық дүниетаным өресіне тиесілі нақыштармен өрілген көркемдік бейнелеудердің салты басқа елдін оқырманына түсініксіздеу болып жататыны заңдылық. Оймызыды М.Базарбаевтың пікірімен бекіте түссең. «Басқа көсіпті ұстанған елдер үшін «қойдың маңырағаны» мен «сиырдың мөнірегені» соншалықты эстетикалық қанағат бермеуі мүмкін. Тіпті көп халықтың поэзиясында бұл кайта тұрпайы, ерсі көрінер еді. Әрі халықтың өз түсінігі, нанымы, бойынша, әдемілікті, жарастылықты білдіретін бейнелі суреттері әртүрлі болмақ»[6.56]. Бұл пікірлерден халықтың тұрмыс-тіршілігіне, шаруашылық қоғамға т.б. қатысты қолданған бейнелеу сөз өрнектерінен өміршеш, адами өреге тен дәстүр түзілмейді деген ой тумау керек. Ұлттық ерекшелікке қоғамға т.б. қатысты дүниетанымнан да түзілген дәстүр адамзат танымындағы ортақ ойлар биігін қанағаттандырлығы хақ. Сөз басында дәстүр ұғымының ауқымды екендігін айттық. Ұлттық дәстүр халықтың бітім-болмысының көрінісі десек, сол халықтың әдеби дәстүрінің негізі оның өмір сүрудегі қалыптасқан ғұрыптық, дүниетанымдық заңдылықтарынан да туындаиды. Ұлттың этнографиялық өзгешелігі бірден пайда бола салған жоқ қой. Тіпті бір халықтың ежелгі ата тегінен бергі тарихында қаншама діни сенімдер мен нанымдардың болғандығы да белгілі. Сан ғасырлар өткелдерінде өркениеттердің де бой көтеріп, белгілі бір тарихи кезеңдерде алмасып отырғанын да жоққа шығара алмаймыз. Қоғамдық формациялардың ауысуымен жаңа бір жол жоба пайда болғанымен ескінің бәрі халық жадынан шыға қоймайды. Демек кез келген дәстүр аясында оның о бастағы мән-мағынасының белгі сипаттары сол ұғымының материалы ретінде өмір сүрмек. Ал, әдеби дәстүрді қалыптастыратын көркем тіл болса, сол тіліміздің әрбір сезінің өзінде поэтика бар екендігін де естен шығармаған жөн. Себебі әр сезіндін заттық атауымен бірге оның мән-мағына тудырар тірі организм секілді құбылыс екені ғылымға аян. Қазак әдебиеттануында қалыптасқан «дәстүрлі образ» терминін өзі көп нәрсені анғартады. «Дәстүрлі образ» – ұлттық дүниетаным аясында қалыптасқан тұрақты бейнелеу тілінің қолданылуын білдіреді. Жоғарыда айтылғандай халықтың әрбір ұғымды түсінуінің негізінде келе-келе, бейнелеу құралдарының әр қырымен тұрақты көркем тіл құрайды. Дәстүрлі поэзияның тілі негізінен сол зат пен ұғымға алмастырылып, не тұра мағыналардың бейнеленуші көркемдік атрибуттарынан тұрады. «Халық санасының сол өмір, тұрмысқа, енбекке, бір-бірімен қатынасына қарай түзіліп, ұзақ әволюция жолымен дамитыны сияқты, көркем әдебиетте сананың соулесі ретінде ұзақ әволюцияны бастан кешіреді, халықтың сана-сазіміне, дүние танымына сай образдар мен суреттер негізінде өрістейді. Тұбегейлеп келгенде бұл, әрине халықтық, ұлттық дәстүрдің ен алғашқы негізгі, атрибути; сондықтан да ол аса тұрақты, айшықты белгі ретінде қазіргі әдебиеттің де ерекшелігі болып табылады»[6.67]. Ғалымның бұл айтқандарынан дәстүрдің әдебиеттегі көрінісі қандай процестермен жүзеге асатындығын байқаймыз. Кенестік дәуір тұсында жазылған зерттеу болса да, біз М.Базарбаев енбекінен дәстүр табиғатын ұлттық ерекшеліктерімен қарастырудың ғылыми принциптерде жүзеге асқанын көрдік. Әрине, бұл енбекте де социалистік реализмнің әдістері басшылыққа алынғаны белгілі. Дегенмен, ғалым дәстүрдің халықтық сөз өнерінің фонында, тіршілік диалектикасымен даму әволюциясын айқындауға көп көңіл бөле алғандығы қуантады. Мәселен, қазақ тағдырындағы «дала» ұғымының қаншалықты киелі екендігі, соған байланысты даланы суреттеудің неше алуан көркемдік байламдары өрнектелгенін тілге тиек етеді. Сондай-ақ қазақ сезідерінің әуенділігі дала табиғатымен үндес келіп мекендейді әрекшелікті танытуы да талданады. Ғалым осындағы ерекшеліктерді дәйектеп «Жер мен суға, тау-тасқа, ен далаға, жаратылыстың осы өлкеге лайық көріністері мен ғаламаттарына байланысты түзіліп, қалыптасқан сезідер, тенеулер, метафоралар қазактың сөйлеу тіліндегі және поэзия мен әдебиеттегі дәстүрлі белгінің байқатады. Ауыз-екі тілге жүгінсек, мұның көп мысалдарын көреміз. Халықтың көшпелі өміріне, тіршілігіне байланысты туып орныққан, немесе осыдан барып бейнелеу құралына айналған сезідер ұлттық тілдің, сезідік қордың негізгі мол бөлімі десек қате емес» [6.76]-деп ой түйіндейді. Ғалым әдеби дәстүр мәселеі шығарманың мазмұнымен қатар оның сыртқы құрылымында, түр өрнектерінде көрінетіндігін баса айтады. Мазмұндық тұрғыдан қарағанда сезідік кор



жаналықтары мен көріктеу құралдарында жатса, формалық түрғыда әуендей өлшем-өрнегінде көрінеді. Идеялық жаналық ақындық қиял траекториясымен сол дәуірдің мақсатынан туындаста, пішін сол идеяларды жеткізудегі ізденістерімен жүзеге асып жатады. Бұл тұста, ұлттық эстетикада қалыптасқан бейнелеудің дәстүрлі өрнектері де жанартыла қолданыска түседі. Мұнан тілдік ұлттық ерекшеліктердің дәстүрлі бейнелеуге айналған сілемдерін көреміз. Ақынның ұлттық эстетикада бар дәстүрлі бейнелеулерді өз заманының үніне салып көркемдікке көтеруі жаңашылдықты танытады. Дәстүрлі бейнелеу мен жаңашылдық арасында бір-бірін сабактастыра тұратын тіл поэтикасы. Жаңашылдықты танытатын көркемдік бейненің сөздік мағыналық қызметі мәнін күштейткенімен оның көленкесіндегі дәстүрлі дүниетанымның ренктері сакталады. Тек ақын сол реңкті өз идеясына жұмылдырып, рухани қажеттілікке жауап берерлік уақыт тілінде безбендейді. М.Әуезов «Дәстүр мағынасына харakter де, түр де, оку мен өсу де, дами түсіп өзгеру де, мазмұн мен сыртқы сипат көрік күй мәселесі – бәрі де түгел кіреді» [5.375]-дейді. Кез келген жақсы өлеңнің бойында мінез болуы туиң. Сол мінез арқылы өлеңнің өн бойынан жаңалықтын лебі есіп тұрады. Ол мінез оку мен өсуге, ақындық қиял мен шабытқа тәуелді. Мінез ақындық «меннін» не лирикалық бейненің бойындағы өлеңдегі көрініс десек бір жақты кетеміз. Мінез әуелі дүниетанымдық түсінудегі бетбұрыста жатыр. Рухани қажеттіліктен адамның өзін іздеуі, өмірде жаңының ізгі сұранысын қанағаттандыруы. Жанның рухани ләззаты өзі өмір сүрген ортадан табылса мақұл, табылмаса рух, арман, мұрат үні жаңғырықкан дәстүрлі өткенге қарайлайсын. Сол бір рухани ізденіс дәстүрлі поэзияның тынышын бұзады. Дәстүрлі поэзия рухани сұраныска орай қозғалыс, қимылға кешеді. Соның күшімен сөз оянады. Ақындық дүниестүсінікпен сөз мәнін, мағынасын күштейтуге серпілген мінез танытылады. Сөзде тірілген мінез, сөз тіркестерімен ой құрып, ұйқасып, үндесіп өлеңге айналады. Ал ондай өлеңде жаңалықты тіршілік болмауы мүмкін емес. Сөзге қатысты өлеңтанушы З.Ахметовтың мына пікірлері жаңашылдықтың бастауындағы көрінеді «...Жаңа мағыналы бейнелі ой, көркем ұғым түсініктер үнемі тың, бұрын қолданылмаған сөздер арқылы берілмейді. Көп жағдайда бұрыннан бар, белгілі сөздер, ұғымдар мулде жаңа мағына алып, өзгеше бейнелілік, суреттілік сипатқа ие болады. Және бұл тәсіл-поэзия тілін байыту, өрістетудегі аса ұлкен, кен арна» [7.84]. Қарап отырсақ жаңадан сөз пайда бола қоймайды екен. Жоғарыда айтқандай сөз, сөз тіркестері келісті өрнек құрап бейнелі ой тудырады. Мәтінде әрбір сөздің ұғымы идеялық мақсатта жаңа бір түсінік танытып өзгеше мінез көрсетеді. Сөздегі тосын мінездік қолданыстар дәстүрлі не жаңа бір көркемдік тәсілдер келтіруі де мүмкін. Дәстүрлі көркемдік амалдармен жузеге асса да өлеңдегі мінез құбылысы жаңалыққа жуықтайды. Бұрынның бар дәстүрлі бейнеліліктен өнгө мінез танытпаса ол қайталау. Кенестік қазақ өлеңнің тарихында жаңа заманды бейнелеуде тілдік жаңалықтар болғаны рас. Бірақ ол табыстарымыздың көпшілігі жаңа дәуір бейнесін жасаудағы идеялардың жетегінде кетті. Сөз өзінің тибиғи мінезін емес қоғамдық идеяны жеткізуі ретінде жасанды құрал болды. Жаңа дәуір жаңалықтарын бейнелеуді сөз табиғатын сындырып жасадық. Онымыз сол дәуірдің көрінет жаңалығы да болды. Сөздің де табиғи мінез болмысы ауысқан жағдайда жаңалығымыз кезеңдік қуаныш болып қалатынын кем ұқытық. Дәстүр мен жаңашылдықты ақындық тілден іздеген зерттеушілеріміздің көпшілігі кезеңдік жаңалықты мадақ етті. «Жаңалық – бұрын құлағын естіп сол байырғы тіл өрнектерімен жасалуында. Өлеңді оқып отырганыңызда, бүгінде кино, телевизор арқылы күнде көріп, көзін қаныққан болат, шойын корыту процестері, цехтары көз алдына келеді. Ақынның «ұрпактар ойнап, билеп би», «машинада қоңыр күй» деген жолдары зырлаган станоктарды, «толғатқандай отты пеш, салады бебеу ойбайды», «шұрқ-шұрқ еткен шойын шоқ, казанда қайнап» деген жолдары, домна, мартен пештерін көз алдына келтіреді... Өлеңдегі жаңа жағдайда, жаңа мағынаны білдіру үшін жаңа нагрузка берілген байырғы сөздер, суреткердің тапқырлығымен тоғызып, оның ойын әдемі атқарып шыққан» [3.87]. Сөз жоқ орынды бағалау. Ақын тенеулері мен жаңалықты бейнелеулері де тын. Бірақ неге ғалым зерттеп отырган Илияс, Сәкен, Сәбиттің осы құралыптаған жаңалықтары өлеңдері қазір оқылмайды? Қазіргі өндіріске қатысты да аталған ақындардың өлеңдерін оқысақ болмас па? Сол пеш те, темір балқыту да орнында емес пе? Ендеше бұл өлеңдер неге жаңалық болып, дәстүрлі поэзия сапында тұрмайды. Мұның себептерін бәлкім ол «комунизм» дәуіріндегі жаңалық болғандықтан да деп түсінірүшілер табылар. Оларға айтарымыз ол дәуірде жазылғанымен бүгіннің руханиятына көшкен өлеңдердің де бар екендігі. Ондай рухты өлеңдерді зерттеу барысында арнайы талдаймыз. Ал, мына өлеңдердің сол «комунизм» көшімен бірге кетуінің себебіне үніліп көрсек. Кеше жаңашылдық деп санаған өлең бүгін неге көмескіленді екен? Біздін ойымызша оның бірнеше айыптары бар. Біріншіден өлеңде мінез жоқ. Мінездің болмайтыны өлең үгіт, насиҳатқа құрылған. Өлең сөздеріндегі ұғымдардың



кейбірі белгілі бір идеяны айту үшін зорлап, күштеп қыстырылған. Ал, ен бастысы өлсөн өндіріс мазмұнын «темір балқыту» процесінін журуін дәуір жаңалығы ретінде сырттай қызықтап әсірелеуден аспаған. Мұнда пеш жағушы, темір балқытушы адамның жаңы, тағдыры емес, сол пештің өзін қызықтау, ұлықтау ғана бар. Мазмұндық пафостын баянсыздығы да осында. Мұндай өлеңдердің сол дәуірдің ғана жаңашылдығы болуы да өлеңдегі сөзге, сөз мағынаға жасанды мінез беріндейді. Идеяны жеткізудегі ой салмағында, ойдың тенеулер арқылы өндіріс қозғалысын бейнелеулері мен суреттеулерінде мін жоқ. Тек соы бір сөздерді құбылту, жаңа мағынаға жеткізудегі ізденістер өндірістегі адам психологиясынан шет қалғанын баса айтқымыз келеді. Бұл өлеңнін өнерге емес, идеологияға қызмет етуінін салдарынан. Кеңес дәуіріндегі казақ өлеңінің жаңашылдыққа бағытталуы көбіне осы мазмұндық формализммен жүзеге асып жатты. Мазмұндағы социалистік мүддеге қатысты көзқарастардың тілге тын мағына жүктегі де уақыт талабынан болатын. Бұл орайда поэзияның қоғамдық күш әсері де арта тусты. Өнер биігіндегі таза лириканың дамуы бәсекенсі түсіп, қоғамдық негіздегі қолданбалы лириканың бағасы артады. Лириканың қолданбалы түрдегі тілдік мағыналарының уақытты бейнелеудегі жаңалығының дәстүр құра алмауы да өзінің идеялық біржактылығынан еди.

Әдебиеттер:

1. Хализев В.Е. Теория литературы. Учеб. – Москва, «Высшая школа», 1999.-398С;
2. Дербисалин Ә. Дәстүр және жаңашылдық. - А., Ғылым, 1976.-203б;
3. Қазақ поэзиясындағы дәстүр ұласуы. – А., Ғылым, 1981.-320б;
4. Ысмайылов Е. Әдебиет жайлар ойлар. (Ақындық өнер мен ақындар туралы).-А., Жазушы, 1968.-320б;
5. Әуезов М. Әр жылдар ойлары. –А., Санат, 1959.-375б;
6. Базарбаев М. Өлең – сөздін патшасы, сөз сарасы.-А., Жазушы, 1973.-256б;
7. Ахметов З. Өлең сөздің теориясы. –А., Мектеп, 1973.-212б.